



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tractatio Synoptica De Iudiciis Ad Lib: II. Decretal:
Gregorii IX.**

**Herberstein, Ferdinand von
Tabarelli de Fatis, Donato Vincenzo**

Spirens., 1660

14.

urn:nbn:de:hbz:466:1-11416

dam honestate & conformitate naturali
tenetur. *Salas de leg. disput. 14. Sect: 2. n. 16.*

Ob quam rationem aliqui docent Reli-
giosum factum Episcopum solum teneri
(præter tria vota) ad observantias religio-
sas sub peccato veniali *Cajetanus Tom: 1. o-
pus. 15. q. 3. Scotus 7. Inst: q. 5. art. ult.*

14. Neque ex his, quod Princeps suis
constitutionibus indirectè ad culpam af-
ligari possit, inferre licet, pœnâ quoq; à se
statuta ligari posse *DD. communiter. Ferdi-
nandus Mendoza 1. de pactis cap. 5.* nam esto
fortasse statui aut dignitati eius pœna ali-
qua v. gr. pecuniaria disconveniens non
esset, repugnat tamen pœnam ut pœnam
spontè ab aliquo assumi, quin hoc ipso
quod spontè assumatur, id quod potissi-
mum in pœna, amittat, nempe id quod est
esse afflictivum voluntatis, ut perspicuè
docet *illustre huius Universitatis lumen Fran-
ciscus Amicus. Tom: de just. disp: 5. de leg. Sect: 13.
n. 310.* & jura passim comprobant *L. ille à
quo §. tempestivum ff. ad Trebell: & sacri Ca-
nones confirmant, juxta quos pœnam ex-
communicationis nemo in seipsum ferre
potest cap. 1. de sentent: excom: Gl: cap. licet*

Canon: verb: executionem de elect: in 6. aut ab eo, qui potest esse Judex in ea causa. *Salas de leg: Tr. a. 14. disp: 14. Sect: 3.* At qui eadem aut maior ratio est de aliis pœnis, ergò nemo potest se suâ lege ad eas obligare; præterquam quòd talis punitio si foret publicè à Principe assumpta, esset dedecens dignitatem Principis, si privatim expleta, inutilis ad exemplum communitatis, & periculo omissionis plena. *Sed hinc dubium movetur*, num Principes comprehendantur in suis statutis irritantibus certos contractus? distinguit Suarez, vel enim irritatio contractus ponitur ut pura pœna à lege, ut cùm Simoniacus per suum contractum nihil operatur, & beneficiarius omittendo officium non facit fructus suos: & sub tali lege Princeps comprehendendi non potest, vel certè talis irritatio est ad publicam morum honestatem servandam; ut cùm ad valorem contractus lex certas requirit solemnitates, ad hoc ut justitia publica tutiùs ac certius conservetur, ut cùm certas statuit ceremonias, sine quibus contractus est irritus & sub tali constitutione Princeps comprehendatur.

prehenditur ex naturali æquitate, quamvis possit secum quodammodo dispensare, dum ipse vult contrahere *Suar: de leg.*

15: Sicut autem Legislatoꝝ solutus est, ita Augusta per se loquendo iis subjecta manet *L. fin: Cod. de leg.* cessant quippe in Augusta rationes, quæ tantam dedecent Principis auctoritatem, illa præsertim condendæ legis, quæ in solo Principe locum habet, solumq; Principis privilegio *L. Princeps. ff. de leg: (planè licet Augusta legibus soluta non sit, Princeps tamen illi eadem privilegia tribuit)* aut regnorum quorundam morib⁹ ab earum observatione eximitur, *cap. dilecti de arbit: quorum ratio, quia cum uxores splendean honorè mariti, L. Fœmina. ff. de Senatu: indignum lex æstimavit marito in altissimo honoris gradu collocato uxoris dignitatem pariter non concrefcere, L. si liberam. Cod. de nuptijs.*

16. Communis DD. est assertio constitutiones civiles Laicorum, quæ generaliter ab omnib⁹ ob publicam utilitatem & quietem latae sunt circa materiam ad secularem jurisdictionem spectantem, directè Clericos non adstringere, sed indirectè